



04699

瘞雲巖



慈寮居士題



光緒丁丑三月  
碧聲吟館開齋



天地一情區也古今一情界也男女一情種也無論才士英雄卽俗流儉父亦有之無論貞姿烈質卽淫女陋婦亦有之顧或正用之而爲深情爲癡情其邪者則爲縱情爲淫情而其情之或正或邪用情者又不能自言也自後世才士多情本國風言情之旨按譜選聲倡爲歌曲取其情之或正或邪曲爲摹傳惟妙惟肖而正者流芳邪者貽臭寫兒女之私情卽以定正邪之公案孰謂詞曲爲小道哉雖其間悲歡離合類多參差或一合而不離或一離而旋合或偶合而卽離而且永離情也而數存焉夫以雲之玉

瘞雲巖

卷上 序

一

貌冰心蕙蕤自守困頓飄流屢抗強暴其欲得同心事之久矣而洪君以倜儻豪邁之姿雅歌緩帶儒將風流其一見鍾情贈珮訂盟人也卽天也乃天旣生之而不卒成之卽暫成之而復終棄之阨於橫逆不死瀕於兵戈不死而猝戕於非意所及料之物兩美必合古今來竟不能實此一言豈天之果不情哉實天之深寄情於兩人以待多才多情者之寫其情傳其事播爲千秋佳話也僕居賤食貧祿碌株守於詞曲素未究心冬杪游獅江晤饒枚訪太史言及西湖名流玉泉樵子箸瘞雲巖一書遠近傳鈔爭先

快覩僕請於太史得盡讀之事多徵實語必生新其寫洪君也則一往而深纏綿宛轉如游絲一縷無限低徊也其寫愛娘也則百折不移淋漓悲惻如鏡花水月不染一塵也其寫豪俠諸君也則遙情畢揭渾厚和平清超拔俗如成連海上使我情移也其寫流蕩之輩也則諸醜備陳嬉笑怒罵亦雅亦諧又如秦鏡高懸魑魅魍魎形神逼肖也千鍾百鍊之中具細鍼密縷之致三河少年幽燕老將各擅勝場作者洵有心人哉足以維持風化而主持風雅矣其與桃花扇香祖樓諸傳本其文其事其人並堪千古作瘞雲巖

卷上序

二

傳奇觀可也作正史讀亦可也還憶燈前月下得意揮毫攄闡揚之隱念發悲鬱之幽情香魂冉冉有不感慨歛歛低鬟下拜者乎顧或謂虞賈等輩何足掛齒頰愛娘雖賈恨輕生泉臺抱憤而玉珮猶存銀蚨尚在洪君見物如見人天上人間兩心相印又何必形影相親始爲同心耶獨憾老鴛鴦惡爲心狠貪成性凌虐荼毒身受難堪致令國色捐身英雄短氣實有令人痛心疾首者僕曰噫嘻是宜取洪君殺賊刀斷頭瀝血祭愛娘之墓庶足少伸義憤而一洩幽鬱之氣歟異日者被諸管絃於一丈紅氍毹上粧

點描摹循聲按節嘉俠士之深情弔佳人之薄命僕倘獲  
侍諸君子後俯仰縈迴百感交集更當滿浮三大白以酌  
之南屏鄭忠訓懋齋甫序時在庚午仲冬月下澣

瘞雲巖

卷上序

三

夫蒼生望重東山不廢絃歌白紵詞成中禁遂傳聲韻天  
籟送廣寒仙樂拍按霓裳風流演絕代佳人製裁雲錦故  
四絃秋裏琵琶彈商婦之愁一捧雪中刀劍壯名姬之色  
園開翡翠俠女停蹤記寫鶻紅才人飲恨事苟可歌而可  
泣人皆斯愛以斯傳况燕子樓間人比黃花更瘦女郎墳  
上心偕紅草同枯學裝束於大家明璫翠羽露英雄之本  
色緩帶輕裘所謂伊人丰神獨絕不有佳句心事誰傳此  
玉泉樵子必重翻水調於生花俾水月觀音得盡現金身  
於莖草也玉泉子煙霞作骨星斗羅胸壓元白之驚才吐

瘞雲巖

卷上序

四

蘇黃之豪氣呼鷓鴣而不愧賦鸚鵡以奚慚問誰是我賞  
音甘儕嵇散何必盡人解道纔識方回月額供錢小試揆  
天之手江心鑄鏡細磨浣雪之腸句陋十香觸閒情而罷  
賦詞工三影藉逸事以攄懷慧拾牙間笑若輩才皆碌碌  
毫添頰上爲斯人喚起眞眞固已妃白儂黃極文人之樂  
事裁紅刻翠傳閨閣之柔情矣獨是太史採風語歸忠厚  
詩人咏物意在表章苟贈蘭投三百篇雖存漆洧苻流菜  
菘十五國必首河洲設閨房有甚於畫眉而筆墨卽因之  
添足矜奇炫異瑤思煩乙乙之抽蕩魄驚魂綺語作庚庚

之露摹莫須有之三字舌走風雷證將毋同之一言心搖  
花月淫哇滿耳繪形則事等秘辛豔語撩人設色而智欺  
餘子虛虛實實繫玉孫芳草之思色色空空關妃子名花  
之艷誤聰明於有用文瀾縱漾以千尋顯法力於無邊聲  
海總歸之一炬惟其有矣毋乃慎乎而茲則刻畫麗娃筆  
騰俠氣範模儒將輪轉迴腸颯颯英風斫倚天之長劍噴  
噴軟語瀉激水之哀絃春宵買如水之年黃金亂擲夜月  
解臨皋之珮青玉曾拋小鳥依人掌上作迴風之舞啼鵲  
誌恨眼中添滴血之痕續命無絲冤銜金玦返魂乏藥殮  
合玉魚無不慢度聲聲訴離恨於哀絃豪竹雙聯字字顫  
驚魂於急管繁絃化朽腐爲神奇敲金戛玉走雷霆之精  
銳摘宋薰班減字偷聲舊調盡翻柳絮移宮換羽新詞直  
續桃花譜幽怨於綠窗秋水逗蛾眉之恨寫妙詞於黃絹  
春燈笑燕子之箋允爲白石之嗣音詎讓黃熙而獨步僕  
歛脣抵膈六韻難分刻肉吹絃九宮莫辨按人月雙圓之  
曲祇益酸心唱家山入破之歌不堪回首擬倚聲而正譜  
缺舌貽羞望饌玉以炊金鴻文欲範嗚呼翦彩作渡迷之  
寶筏擲地成金鋪葵揚不染之心香補天鍊石倚牆偷學

有人擗笛而來畫壁爭詩彼美低鬟欲拜三更楊柳月徒  
拈紅豆以相思一闋荔枝香願讓青衣而正拍白下楚遺  
王天壁題於獅江之寄傲齋

瘞雲巖

卷上序

六



瘞雲巖傳奇題辭

長沙黃明



班密張腴荀心宋骨五百篇風流競秀無非黃絹之詞三十韻聲調胥諧請按紅牙之拍奇文共賞韻事韻人作者既一往情深閱者那禁低徊欲絕也並得二十八字書後離恨綿綿莫問天紅顏黃土我猶憐憑誰乞取鴛鴦牒爲結來生未了緣

南豐黃 煦霽亭

南曲譜自九宮下里流爲十種引商刻羽漫衍新聲選韻

瘞雲巖

卷上

七

徵辭難言雅唱讀雲巖之數闋儼水調之重翻雜誦迴環詠歌擊節鐘鏞振響瓦缶無聲珠玉騰輝砒硃失色小巫見大巫而咋舌藏拙爲工東施效西施以捧心爭妍反醜唯荷菲葑以逮下敢揚糠粃以在前勉弁數言未免佛頭著糞謹成七律還祈郢鼻施斤

耆卿纖豔子瞻豪掃盡淫哇格調高傾國名花新樂府美人香草續離騷玉埋此日題蘇墓珮贈他年話漢皋紙貴洛陽傳誦遍手抄脫腕敢辭勞

善化吳綬榮麟周

彩筆描摹一縷情  
喁喁兒女話三生  
曉風殘月紅牙拍不  
比關西鐵板聲

剩粉零脂付管絃  
亭亭倩女已如仙  
檀郎從此應銷恨  
莫灑啼痕向碧天

益信詞人化筆工  
繞梁聲逐杜鵑紅  
愛雲當醒梨花夢  
劃斷癡情付碧空

麥源李昭煒蠡菴

一甌香茗讀清詞  
勝飲葡萄酒幾卮  
動墨難銷才子氣  
拈毫替寫美人思  
落花過眼空餘夢  
芳草多情不厭癡  
何取瘞雲巖  
較量空擬議  
旗亭風趣想參差

卷上

八

鉛山饒佩勳枚訪

黃絹才高海內傾  
雷霆精銳雪聰明  
鐘鏞不作箏琶響  
珠玉真隨咳唾生  
楊柳曉風傳逸調  
江東鐵板唱新聲  
從今菊部翻歌譜  
一曲霓裳字字清

一幅佳人薄命篇  
紅顏墮溷實堪憐  
蜂狂難使芳心改  
鴉毒悲將玉質捐  
贈佩自含情脈脈  
題碑長此恨  
涿涿淋漓大筆爲  
雕鏤好把離愁付管絃

上饒鄭忠訓懋齋

才子佳人信有之多情薄命竟如斯饒君一管生花筆寫  
盡風流旖旎詞

萬緒千條意不窮雲亭玉茗筆兼工想當刻羽調宮候中  
有靈犀一點通

疑色疑空任自憐一時齊唱奈何天淋漓大筆憑揮灑定  
有香魂拜座前

回書宛轉竟成空此恨絲絲結寸衷百折千迴摹寫遍一  
聲聲似怨秋風

好句如仙脫口新幾回讀罷幾愴神忪忪我亦增愁思同  
瘞雲巖

卷上

九

是天涯落拓身

無端忽作不平鳴兒女英雄並寫生願得柴權鏡萬本編  
傳海內判貞淫

忠州李士棻芋仙

金粉家山鐵石腸天涯淪落恨茫茫蓮花一朵天然淨便  
認青泥作道場

離鸞別鵠譜深情吹竹彈絲助歎聲北里新聞南董筆用  
心溫厚輩者生

歸安甄 貺月帆

不數微之又收之自家按拍自題詞名花命薄還多幸付  
與才人筆底知

兒女英雄等聚漚詞場南董自風流一篇豔史傷心曲傳  
遍梨園菊部頭

山陰萬同倫仲桓

戍還好倩拂征塵不見江皋解珮人縷縷恨纏才子筆新  
聲淩過秣陵春

拍遍長歌復短歌依稀舊事未銷磨洞簫纔擲聽如訴說  
與人生哀樂多

瘞雲巖

卷上

十

南海潘衍桐繹序

紅顏白骨自荒邱逸事何人說故侯傳出瘞雲巖一曲英  
雄兒女各千秋

南城周友檀卓園

曾聽當筵一曲歌水肌玉質久消磨名花去後春如許爲  
數年華感慨多

幸有淋漓大筆傳紅顏黃土已如仙箇中無限傷心事都  
託鴻篇付管絃

一回摹擬一精神婉轉纏綿爲寫真十二闋詞吟咏遍溫

柔敦厚是詩人

瘞雲巖

卷上

七

瘞雲巖傳奇題詞

金縷曲

衢州張德容松坪

來泊獅江宿是何人曉風殘月爲翻新曲我亦頻年嗟落  
拓歷盡悲歡歌哭便合擬嬌藏金屋不信人間無限恨卻  
偏教金粉傷心目情滿紙從頭讀 引商刻羽何曾促嘆  
年來茫茫塵劫紅羊偏酷天意從來高難問青塚黃墟誰  
續看無數灰飛煙沒兒女英雄千古事賴才人爲爾傳風  
骨休悵悵埋香玉

滿江紅

嘉興吳昌言穎函

瘞雲巖

卷上

七

浪走天涯是到處馬蹏車轍空想煞綠蕪紅豆年年拋撇  
鼓角驚殘征戍夢黃昏吹落關山月把別離情事數從頭  
眠不得 割不斷同心結滴不盡相思血對青燈孤影欲  
明還滅雁鯉不來人已杳衾裯空賸情難絕問蒼天良會  
續前緣何時節

滿庭芳

錢塘汪曰賓子嘉

鐵笛聲悲銅琵琶音壯往事豔說高唐英雄兒女離合歎何  
常漫道埋愁莫詠才子筆能闡幽芳真堪羨巫山多幸千  
古烈名揚 思量欲補悵蒼天杳杳大地茫茫况焦桐未

遇一樣淒涼白雪陽春孰和澆塊礪只藉壺觴暢好是沈  
酣風月三萬六千場

虞美人

浚儀周慶昌禹言

飄茵墮溷全無準說甚殘金粉悲笳聲裏落花風付與子  
規枝上血啼紅 幾生修到姜夔筆譜入梅邊笛桃根桃  
葉總心酸難得琵琶卻遇白香山

滿江紅

江甯潘敦儼清畏

應悔多情空賺了天涯淪落更誰料桃花入命比花還薄  
冰雪未教風月沈鴛鴦纔訂相思約奈烽煙驀地挾愁來  
瘞雲巖

卷上

七

傷飄泊 盼不到音書確挨不過娘心虐拚斷盡柔腸杜  
鵲聲惡愛惜每深豪俠感輪迴欲認閻羅錯縱登場鼓板  
也淒涼難爲樂

一翦梅

山陰萬同倫仲桓

青塚紅樓一夢中笑向春風哭向秋風分攜深悔太倥傯  
難得重逢怕憶初逢 不是清商訴曲衷懽也無蹤恨也  
無蹤鳩鸞么鳳分焚籠無意相同不意相同

浦庭芳

前人

鳳瑄吹酸鴟絃撥斷悲來都入淒吟玉人何處孤月白花

陰未遇封侯夫婿珠簾影轉過春深眉蹙損燕拘鶯管蕉  
萃怎生禁 騎驄留不住江干鞞鼓驚破同心膽酒澆黃  
土魂去青林乞取春風詞筆傷心語嗚咽成音英雄老徵  
詞選舞往事筭重尋

金縷曲

長沙王先謙逸梧

淚灑西江雨歎蒼茫天荒地老瘞愁如許卻怪采花衣袖  
裏拋作隨風墜藥枉用說提戈逐虜腰下龍泉三尺劍不  
扶危何事存君處持此詰應無語 青山飲恨成終古劇  
淒涼斜陽衰草鵲嗁如訴試問墓門寒食節誰弔香魂一  
瘞雲巖

卷上

七

縷忍回憶當年歌舞淪落琵琶千載恨莽潯陽半是無情  
土賴詞客調重譜

滿江紅

南海潘衍桐繹序

落日無情猶照徹青燕一片曾記得東風倚笑花如人面  
解贈暗留神女珮棄捐肯學班姬扇誓今生白首結繚蘿  
無中變 卽何事從征戰妾何日重相見盼天涯信杳闌  
干倚徧冤恨已成填海鵲離魂悔作棲梁燕歎巫山從古  
瘞愁雲空悲戀

金縷曲

錢唐汪綬之佩珊



紅灑桃花雨淚斑斑啼痕滿紙杜鵑聲苦夫塔封侯空有  
願楊柳牽絲不住翻變作去浪萍風絮揉得春光如粉碎  
悔當初牢繫金鈴護腸斷也一坏土情天缺陷誰能補  
嘆聰明總輸聾啞到頭都誤多少青衫同寄慨一樣傷心  
未遇平白地反招疑妬福慧雙修曾幾見竟綿綿此恨成  
今古原不獨駭兒女

前調

上海蕭雲經卿臺

聚散無非數忽然間分鸞拆鳳斷歌殘舞去旣難從留不  
可到底終歸兩誤縱絮絮空談何補畢竟男兒多薄倖任  
飄零弱柳隨風妬驀地起戰場鼓封侯本是英雄路問  
此際如花美眷倩誰爲主情重功名輕惜別總算紅顏命  
苦更忍見愁雲慘霧以死報君君莫恨料茫茫孽海何能  
渡天杳杳銷魂處

瘞雲巖

卷上

五

玲瓏四犯

南城劉鳳儀虞九

此恨緜緜問鏡裏紅鸞春光何短傲骨芳心結盡萬愁千  
怨叢殘翠匣珠鈿葬獅江歲時悽戀最堪憐寒食清明淚  
灑桃花片片美人香草增綵繡悵姻緣他生再見愛海  
塵根今割斷一笑輪迴轉稜稜風骨如生再休說蓮花泥

踐新翻十二闋傳神曲曲紅氍試演

金縷曲

湘陰姚 遲智泉

把酒青天問果何爲傾城傾國沈淪自分金谷墜樓千載  
事一樣柔情怨忿空想像玉釵清韻今日俸錢如許積奠  
清齋一點難沾醞兒女淚應頻拭 人間天上心心印最  
淒涼筆花楮葉靈犀默運自古情天難補恨賴有新詞解  
愠我疑是芳心未燼報國勲名原有願想重泉脉脉期精  
進青鳥逝憑取信

綺羅香

新城陳景謨葆珊

瘞雲巖

卷上

共

兒女痴心英雄情膽血淚濺紅花瓣底事拚生忒把韶光  
看賤便算是金屋魂銷那抵得青樓腸斷任年年春色撩  
人夢遊怕到雲巢轉 埋愁香塚咫尺一帶蘼蕪煙冷杜  
鵑啼怨舊恨纏綿化做雨絲風片使昔也桴鼓催征爲夫  
婿封侯助戰何忍教鈿碎珠沈累訶喉哽噤

長亭怨慢

嘉興汪熙敬芷卿

已難剪離愁千縷子夜招魂斷腸無數負了卿卿杜鵑聲  
裡奈何許情深緣淺應自悔浮名誤忍憶舊歡場更忍憶  
臨岐吩咐 無語笑媧皇鍊石此恨料應難補青天碧海

問環珮歸來何處付彩筆譜入冰絲寫不盡風淒雨楚只  
留得芳名喚起真真能否

瘞雲巖

卷上

七

愛雲小傳

柳江情癡子箸

愛雲姓夏氏小字馨兒金陵良家女癸丑城陷父母昆弟  
沒於賊時雲九歲爲披甲人賣歸錢氏遂落風塵由武林  
遷居河口年始垂髫質殊妍潔人每以明珠仙露比之雅  
歌侑酒名重一時恆以置身卑辱爲恥性高傲雅不合時  
宜己未歲有大賈出纏頭金求一夕歡母利之而雲不可  
強之輒飲泣大賈憐之曰誤以風塵視子矣遂去從此車  
馬闐門愈增身價而雲泊如也余因客邀飲慕名招之來  
一見歡若平生似前身有香火緣者於是花晨月夕每遊  
瘞雲巖

卷上

六

必偕荏苒三年未嘗不怦怦心動一夕醉後謂余曰連宵  
風雪妾頗畏寒撚帶含羞令人魂魄飛越因訂盟焉雲見  
人嘗冷顏不爲禮余每勸之雲曰生前不知作何罪孽致  
使身辱泥塗豈猶望明珠十斛作金屋藏耶願得一情長  
者事之足矣友人譔麗川豪俠士也見雲輒擊賞雲亦心  
折其人會同人啟羣花宴雲連引數十觥玉山頽矣忽挽  
譔君入他室長跪以泣不能成聲譔驚訝詢其故乃哽咽  
曰君與某爲莫逆交雲之深衷當已盡悉乞向阿母一言  
早脫火坑生死無敢忘也譔唯唯而其母狡詐必不允雲

忿急欲絕出白玉琚贈余曰皎日之誓死生弗忘道冬杪  
寇氛偏近防勦奔馳未遑顧及雲隨母倉皇西下嗚呼此  
卽永別時也事定後聞雲寓居吳城數致函訊僅獲一報  
有今冬返棹獅江重尋故好之語心竊冀之乃雲所至輒  
得名貴介紈袴爭以一見爲幸值酒後調笑失措大歡無  
賴子從而搆覺幾破家復遷章門雲旣遭挫折又受母刑  
自分不能瓦全遂仰藥死是日諶適在側百方莫救同人  
劇金收殮所費不下千金葬於章江門外報書寓余輕騎  
馳往哭之題其墓曰人淚桃花都是血紙錢心事共成灰

瘞雲巖

卷上

九

并續長恨歌紀事元微之詩云同穴杳冥何所望他生緣  
會更難期三復斯言恫然涕下

附錄愛雲回書

別後時聞信郡有警離恨與懸念同深而君久無隻字  
寄知益恐落花有意流水無情矣轉切自傷頃奉八月  
十日手書知尙不忘夙約幸何如之並悉鞍馬叶吉爲  
慰妾生無傲骨苦乏媚容誰能鑒我苦衷而加憐惜是  
以在吳半載迎送依然每當燈炮酒闌自嗟薄命諒知  
心人亦隱爲關切也且其地爲善惡雜糅之鄉內則官

符滋擾外則兵勇橫行迭次遷移居停靡定擬今冬返  
棹獅江重尋故好則花開連理蕩蘿得依松柏之陰帶  
縮同心枕衾尙甘雞蠅之夢真箇鴛鴦牒下新婦得配  
參軍或同翡翠屏前佳人終屬才子言念及此悰快何  
如奉上番人二員謹將來意深願情緣再結永訂後期  
秋末冬初寒來暑往萬望珍重實慰私懷順請助安伏  
惟心照愛雲謹啟甲子九月十八日

瘞雲巖

卷上

二十

瘞雲巖傳奇目錄

旅遷

蹇遇

餌金

贈珮

梟警

鴛分

靖寇

報書

瘞雲巖

卷上目錄

一

盟玉佩多少情詞難紀算從此天涯遷徙已分今生鴛夢  
斷任桃花飄泊隨流水生與死兩無濟輕裝枉自馳飛  
騎便唐衢號洵慟哭香魂莫起難得稜稜生駿骨竟許黃  
金爭市也教我憑空誌喜營奠營齋清俸集病毛錐何惜  
言之媿休認作豔情史

死纏綿怨女困愁城

生逼移虔婆施毒計

埋香骨義俠動豪情

證空花英雄揮熱淚

瘞雲巖傳奇

西湖玉泉樵子填詞

海陽停雲逸客評點

旅遷 真文 老旦上

南仙呂步步嬌滿目烽煙迷遠近。又一陣風聲緊。山河殺氣昏。錦樣西湖漸成。蕘粉何處妥驚魂。歎孤單。卻遇紅羊運。

西江月自歎半生萍梗。又逢滿地荏苒。流離瑣尾日歎。獻做了疑狐竄鼠。老身錢氏。向居獅水。暫寄虎林。孤獨

瘞雲巖

卷上

旅遷

一身貧窮半世。前於亂兵叢中。得一女子。年甫九齡。生得唇紅齒白。問他乃金陵人氏。名喚愛雲。養了幾年。如今越發長成了。倒是我後半世的衣食飯碗。目今寇氛又近。此地住不得了。不免帶了他。往上路逃奔。或者歸得故鄉。再作道理。女兒那裡。且上。

醉扶歸淚珠流。鎮日皺眉搵。悔當初絲兒一息存。恨生身。骨。月。霎。時。分。把。他。人。父。母。從。新。認。多。愁。成。怯。病。難。論。含。羞。未。語。神。先。窘。

白戰不許  
持寸鐵

母親萬福。老旦罷了。兒吓。你可曉得。近來寇信日緊。我



聽猿實下  
三聲淚

登樓一望  
惟見遠樹  
含煙

殺氣三時  
寒聲一夜

與你此間不能住了收拾行囊往別處去才好旦母親  
天下滔滔何處是安身之所依兒看來還是這武林地  
方城郭完固山水清幽倘得保全固屬萬幸若有不測  
這西湖一泓綠水便是我葬身之處了淚介老旦吓蟻  
蟻尚且貪生豈有人不惜命趁此賊人未到就要起身  
遲恐悔之不及矣旦娘吓

皂羅袍生死關頭須付歎兒家命薄誤落風塵家山久已  
付沈淪異鄉拚得成灰燼鍾陵回首朝雲暮雲吳山在目  
無因有因怕遲回暗被旁人哂

瘞雲巖

卷上 旅遷

二

孩兒雖屬幼年屢遭大難看來劫數難逃何必奔馳自  
苦老旦兒吓說那裡話終是逃出城的好我們往衢州  
一帶去倘能逃得過山那邊就是我家鄉了親戚故舊  
還有些人強如在異鄉落難你在門首看管我進去收  
拾起來下旦咳紅顏薄命自古有之可憐我幼齡弱質  
受恐擔驚天哪你何苦生我在這亂離之世呵

沈醉東風鬧攘攘風饕鶴遶闕沈沈天愁地恨烽火暗朝  
昏怎忍見流離狀便救苦慈悲空憫玉石俱焚神人共憤  
莽乾坤血腥兒遍熏

我記得金陵遭難之時呵

武○武○合○平○白○地○人○馬○亂○屯○搜○鋒○刃○霎○時○身○殞○似○喪○家○之○狗○  
無○投○奔○可○憐○我○爹○娘○呵○又○沒○箇○死○生○准○信○我○那○時○死○又○不○  
得○活○又○不○能○正○在○兩○難○之○際○只○見○來○了○些○兵○勇○他○道○好○妮○  
子○呵○便○將○我○緊○提○挈○捷○奔○馳○因○此○上○畱○下○了○禍○根○

來○到○臨○安○又○將○我○拋○棄○幸○蒙○這○錢○老○媽○收○我○為○女○如○今○  
又○欲○遷○到○他○鄉○我○又○不○知○他○的○主○意○只○得○跟○他○前○去○想○  
我○這○苦○命○人○活○在○世○上○將○來○不○知○怎○生○結○果○

漿○水○冷○痛○微○軀○蓬○飄○沒○准○憐○弱○質○桴○浮○怎○穩○歷○冰○霜○山○村○

巫○雲○巖

卷○上○旅○遷

三

絃絃掩抑  
聲聲思

水○村○伴○淒○涼○星○昏○月○昏○桃○源○何○處○仙○風○引○總○無○非○折○蕙○摧○  
蘭○墮○溷○飄○茵○徒○憐○憫○空○槍○神○藍○橋○誰○把○雲○英○問○只○盼○得○只○  
盼○得○紗○窗○月○盡○那○曾○見○那○曾○見○繡○被○香○溫○

〔老旦上〕粉○奩○疊○起○猶○餘○膩○布○被○裝○成○不○怕○寒○免○阿○匳○具○  
鋪○蓋○俱○已○收○拾○停○當○我○去○雇○名○夫○來○今○日○就○可○下○船○〔旦○  
但○憑○母○親○作○主○老○旦○免○阿○此○去○是○

尾○聲○桐○山○巖○瀨○從○頭○認○〔旦〕那○比○得○白○下○風○光○想○像○真○〔合〕願○  
此○後○永○息○烽○煙○穩○此○身○

思歸多苦  
顏  
首尾相應  
亦反起下  
梟警齣

同下

蹇遇 蕭豪 生上

黃鐘 翫仙燈虎帳集英豪。唱饒歌鞭絲低裊。

錢神弄權  
才人短氣

絳澤隨陸  
并爲一人

是王摩詰  
斜陽照墟  
落倚杖候  
柴扉情景  
正喻夾寫  
幾忘對偶  
之工

志氣憑凌十丈虹。扁舟曾唱大江東。書生戎馬渾閒事。  
要學風流愧石崇。俺洪農表字樽茨。隸籍羅池。備員右  
輔。才慚投筆。人稱燕領虎頭。志切枕戈。時值狼奔豕突。  
偶學劉琨起舞。頗有澄清當世之心。喜爲焦遂高談。不  
免睥睨一時之概。只是駒光虛擲。獅水投閒。無勞仗鉞。  
揮戈風雲變色。樂得輕裘緩帶。花月怡情。前日友人謀  
麗川來訪。談及院中新到一妓。色藝俱佳。相約今日前

瘞雲巖

卷上 蹇遇

四

來同去一訪。怎麼還不見到。起行望介。

南南呂香遍滿。旌旛風悄。深深柳營吹細條。遙望斜陽過  
羽葆。鎮無聊。青山唱晚。樵紅橋。艤畫橈。盼不見伊人到。

末上 別有剛腸同黑丑。偏饒逸致數紅丁。洪兄有勞久  
等了。生 謀兄何事來遲。末 一路訪友多談片刻。天已不  
早。我們就此同行如何。生 尙未奉茶。末 豈敢。生 如此請  
末 請同行介。生 謀兄你所說之人。可曾目覩。我想門戶  
中人。往往名過其實。未必果有施嬙再世。末 洪兄。此人  
不說他別的。但論其品格呵。

古調獨彈  
如鳳鳴九  
霄高不可  
接

懶畫眉絃桐自恨尾先焦抱向人前總懶調新愁舊恨壓  
眉梢玉鏡虛温嶠把一粒明珠自守牢

這裡是了請生請進介末錢媽媽我邀得箇上客來了

老旦上原來是謀老爺多日不見這位上姓末是洪老

爺慕令愛芳名特來相訪老旦不敢女兒有客來了暗

下旦上

黃鐘西地錦寶鴨篆煙低卷銅龍漏點勻調末愛姐出來了

這位是洪老爺你的法眼頗高看看他人物如何旦覷介

覷他品格與丰標稱得安仁才貌

瘞雲巖

卷上 蹇遇

五

二位老爺請坐各坐介生久耳盛名未親芳效今日一

見果然名不虛傳請問小娘子家居何處爲何墮入煙

花旦

商調二犯梧桐樹梧桐樹首至三門庭絳岫高宗祀塗山肇生原來

是金陵夏氏旦盜弄潢池莫把鯨鮑掃緘綫箱五至六全家蕩析

無音耗我是虎口餘生匪一朝五更轉合至末脫鞵纓重做樊籠

鳥拚他瘦骨支離梅花同槁

生原來是遭難到此的

浣溪沙看他容貌端年紀小沒些箇做假粧喬含情翠鎖

金石彙鼎  
自典重

十生九死  
到官所幽  
居默默如  
藏逃

傲若太陽  
升朝霞灼  
若芙蓉出  
淅波合讀  
者魂銷骨  
醉

雙眉黛未語紅添兩頰潮我魂欲掉怎能辦炷名香爲供  
養當天仙禮拜朝朝

靈心四射  
數語爲通  
部綫索

〔末〕洪兄你如今信也不信〔生〕正如初日芙蓉曉風楊柳  
未可以桃李方之〔末〕哈哈如今侯朝宗見了李香君  
我這楊龍友未能代具粧奩聊備薄酌當箇媚香樓訂  
情的酒筵恐怕將來寄扇又少不得我了〔生〕休得取笑  
只是攪擾不當〔末〕好說媽媽我們在此小酌隨意備幾  
樣果菜來〔老旦〕內應介曉得〔丑丫〕鬟執壺上並蒂慣燒  
同綬燭雙桃新獻合歡杯謹老爺酒已齊了〔各坐旦旁

瘞雲巖

卷上 瘞遇

六

〔坐丑斟酒介末洪兄請生擾了末生合唱〕

我亦欲早  
晚玩之叫  
之拜之贊  
之

劉潑帽玳筵開處金樽倒送幽香蘭麝輕飄〔生〕看他莊容  
未忍輕調笑偷眼瞧瞧宛然是一幅兒靈妃稿

今夕何夕見此粲者〔旦背接唱介〕

千金難買  
隔簾心

秋夜月心頓焦不覺的空撩繞我腸輪早已如灰稿今日  
呵情絲又復當風裊回看介他氣概表表我遭逢草草

〔生〕酒已多了我們回去罷〔末〕佳人才子難得相逢豈可  
輕易言別〔旦〕洪老爺初來未敢款畱謹老爺你是常來  
的〔目生介〕爲時尚早坐坐何妨〔末〕洪兄我來了多次未

靈心妙舌

此屬雋妙絕倫

此恨絲絲無絕期美人胡為隔秋水焉得置之貢玉堂

說盡心中無限事念天地之悠悠獨愴然而涕下

逼緊一句愈見行文之妙

是知己之言亦達心

聞此語今日真箇是九華春殿語從容了哈哈丑撒酒暗下生呀

東甌金怕難消遣是牢騷才子佳人沒下梢你聰明慧業前生造怎不望元霜擣將來呵空餘幽恨泣蘭臯咳恐冷了翠雲翹

小娘子莫怪我交淺言深旦老爺說那裡話來妾雖屬煙花賤質卻是閨閣名門苦歷冰霜復罹陷穽難言玉潔願為抱璞之夫敢望珠聯不作販茶之婦只是斗筭何算碌碌誰依蘿葛難期嗚嗚自泣這枕函痛淚無非

瘞雲巖

卷上 卷週

七

是一盃青燈照見我萬般苦况也泣介生咳可憐旦金蓮子血淚拋杜鵑啼煞無人曉這一箇苦仁兒味饒老爺嘆就是我九迴腸又何曾信口便曉曉

末聽愛姐之言今日盡傾肺腑這是有意於老兄了不可辜負他一片真誠生謀兄雖承美意看他蕙質蘭膏我怎敢作癡人夢想末過謙了小弟今日暫別明日再來賀喜生這斷斷不可愛姐縱有此心我輩不可造次來日方長我們一起同行小娘子請自保重早晚再來陪話旦二位老爺一定要去麼末改日再來亦好旦如

之論

別意與之  
誰短長

正起贈珮  
暗逗餌金

傳神

此多多簡慢。生小娘子不可勞動。且洪老爺幾時再來。  
[生]得暇就來的。[旦]是要來的。喏。請了。[末]生請了。[全]下。且  
我這裡來往的倒也不少。未若此人氣宇軒昂。語言灑  
落。若得他有意。我這一段愁腸便可解釋了。

尾聲。一夕話。傾懷抱。深情兩兩印。心苗比不得往日空將  
水月撈。

紗窗明月上。照見團樂樣。欲待不思量。奈他情味長。  
徘徊下。

瘞雲巖

卷上

卷過

八

餌金 鳩由 副淨上

歌舞場中我最尊、黃金堆裏度朝昏、平生不識之無字、  
胖耳肥頭像老豚、我乃河口鎮上一箇大賈是也、人人  
稱我爲虞百萬、我算算看茶葉紙張皮魚木炭南北雜  
貨、川廣藥材店鋪不下數十箇、發票進貨陸販水客銀  
帳錢房櫃上厨下店夥不下數百人、各有所司、我財東  
倒無事了、空閒弗過拉得三朋四友、日日在歌笑場中  
取樂、聞得近來新到箇粉頭、叫錢愛雲、竟有十分姿色、  
吹彈歌唱、件件皆能、今日無事、且去看他、一看有何不

瘞雲巖

卷上 餌金

九

可正是腰間飽有纏頭費、何必揚州跨鶴行、

南越調水底魚犯被體綾網、花容不用脩、鎮日浪蕩世間、  
一贅疣、高腔小曲、醉時且信口、知音笑我不識醜、

白阻白嚼來此已是不免進去、裡面有人麼、老旦上攙

花迎玉露、掃葉替金風、是那箇、副淨是我阿認得、老旦

原來是位爺、敢問上姓、副淨我嘿姓虞、箇些門頭裏向

毋不弗認得我格、老旦原來是虞爺、我聽得姊妹們常

說有箇虞百萬、慣在這裡照顧我們的、想必就是了、副

淨豈敢、老旦呵、我有眼不識泰山、多多得罪了、今日

意獻諸公  
不爲虐兮



甚風吹到我家來吓。副淨聞得，必有箇因，兜頗饒姿色。特來作成，作成老旦多謝了。這是財神爺，請也請不到。手裡面請坐，女兒快來，虞爺在此。丫鬟泡好茶來。旦上。含羞忍恥，住平康。事急相隨，沒主張。一點靈犀，難付託。肯教容易，解明瑤母親。老旦過來見了虞爺。旦見副淨，好箇人品，真算得花魁了。

剔銀燈。他慢移步，妖嬈半帶羞。這丰致天然生就，嫦娥下。降應稽首，好風月誠難消受。我看這等人物，輕易未必到手。愛既入烟花，有何難處。纏頭有寶物，做媒要快燥點格。瘧雲巖

卷上 傳金

十

止今夕便須下手。

媽媽，他可曾梳攏了。老旦年紀尙幼，未曾接客。副淨我看令媛才貌出眾，有心要相識他，不知他意下如何。老旦爺又來了，女兒家長大遲早總有這一遭的。旦背立不理。介副淨出銀介。區區薄金奉贈。老旦接銀喜介。既承美意，老身也不推讓了。女兒好好陪著，我去辦席酒來。旦母親。老旦咳，既做小娘，害什麼羞。好銀子，好銀子。這是第一遭買賣發利市了。下副淨愛姐，奶幾時來格。

旦

成句如己  
出有沈隱  
俟本領

時復見殘  
豎背面偷  
弄淚

鳴鳳相參  
殊不倫類

下山虎初經殘臘。旋過深秋。副淨舊年來格。口音弗是箇  
搭人喂。旦巷隔烏衣近。秦淮水一派流。雕梁燕怕重來難。  
尋舊樓。副淨箇歇搭羅裡來。旦湖號錢塘瀉綠油。副淨到  
子箇搭阿有箇知心客人。旦彩牋時投贈。暮去朝來費倡  
酬。副淨阿姆待奶阿好。旦恩育憑慈母。背坐掩淚介。萬種  
隱憂難。向人前說莫愁。

副淨阿姐吓

駐馬聽。我是欲覓溫柔。兩蒂朱提作蹇脩。你是箇雲英待  
聘。藍橋可通。我裴航初到。玉杵新投。不過些些表意。好玳  
瑤雲巖。  
筵東閣。泛金甌。更一對鳳燭雙雙。高燒結箇同心綬。我好  
快活吓。娘子好風流。做鬼臉介。花面好風流。莫看成薰。猶  
異器十年有臭。

卷上 餌金

土

愛姐愛姐。旦不語哭介。副淨偕落哭起來。阿是弗願意。  
匪人嘿硬頭硬腦。心腸綿軟格。看見子人。一哭直脚沒  
主意哉。今朝日脚弗好。明朝再來罷。媽媽。唔想著子店  
裡向約我說話。箇桌酒。畱勒明朝喫罷。老旦急上扯衣  
介。酒已備好。慢些去。副淨箇格正事要緊。明朝准來格。  
甩袖下。老旦呆介。總是你這妮子不好。把言語沖撞了。

他所以他一怒而去。[旦]阿啣天吓我何曾說什麼話來。豈不冤煞了人吓。[哭介]老旦笑介我想銀子已經到手。這是倒不來賊的。今日不教他上手慢慢的引他。也是箇法兒。鬼吓不是我埋怨你。他是箇大財主。若不巴結他。如何賺得銀錢。以後他來須格外殷勤才好。[旦]曉得了。老旦我白白辛苦了半日。要去歇歇了。[下旦]天哪。幸喜此事未成。否則教我怎生擺佈。我想此間來的無非附名風雅。其實生性骯髒。那得如洪郎這般人品。若得與他永結盟好。那時我的終身便有著落了。

瘞雲巖

卷上

訓金

五

尾聲人間非必無佳耦。只恐明河難得渡。牽牛莫教遺恨。黃土荒邱。

掩淚下

直射未齣

天街夜色  
涼如水

一度思量  
一惘然

不令仙犬  
吠劉晨  
小樓月滿  
雁聲寒是

香爐漏殘  
時矣

我不卿卿  
誰敢卿卿

贈珮 真文 生帶醉上

南南呂太師引正黃昏宿鳥樓初穩送輕寒淒霜滯雲摺  
雙眼模糊難認擡雙足蹙蹙難分今日可謂狂飲澆醜礪  
捫胸都盡作風聲介禁不住西風漸緊我自見了愛脚不  
覺怦怦心動今日乘此酒興何妨去飽看一回分明是凌  
波洛神只愁他盈盈羅襪暗生塵

來此已是開門老旦上來了內打一更介

鎖窗寒聽銅壺漏下頻頻鳳燭燒殘靜掩門怕他雞鳴月  
夜犬吠花村葳蕤夜寂流蘇風引好准備鑪山琴軫生插  
瘞雲巖 卷上 贈珮 三

開門老旦呀步逡巡煙屏乍叩是何人莫非阮肇劉晨

開門介原來是洪老爺裡面請坐生進介老旦今日那  
裡喫得這般大醉怎麼不到我家來熱鬧熱鬧生是在  
朋友家喫的路過此間特來相訪令媛可在家麼老旦  
在家在家女兒你每日念洪老爺今日果然來了快來  
見吓巨上丑丫鬢隨上

東甌令非關懶似傷春倦體羞將衾自溫母親是那箇來  
了老旦你常說的洪老爺今日有點醉了巨喔是他青蓮  
性格疎狂近誰解劉伶憤見生介他牢騷處處露情根不

假殷勤

洪老爺今日高興多飲幾杯了(生)小娘子何出此言我

洪梅芙呵

與會懸舉  
訓賜淋漓  
作者一筆  
書我當一  
氣讀

三換頭生遭不辰時逢多困情絲暗掄憂心欲焚慣把胸  
懷私搵世事難論無限恨空饒悲忿要并掘胭脂噴塗翻  
粉黛情劈破愁雲方顯我粗豪是率真

(旦)洪老爺有點酒了此間有風到我臥房中坐罷(老旦)  
丫鬟掌燈丙打二更介到介(旦)母親夜已深了請去睡

(老旦)如此我先去睡了讓他安息片時了(鬟)暖壺熱

瘧雲巖

卷上

贈珠

古

茶來出門介今日我未開口他先邀入臥房如今又打  
發我出來蹣蹣吓蹣蹣暖只要破了頭就好了由他去  
罷正是閉門不管窗前月分付梅花自主張(丑)隨下(旦)  
洪老爺請安歇了罷(生)睜眼介小娘子你道我真箇醉  
了我無非以酒澆愁這酒杯怎敵得我愁腸來(旦)這是  
愁人莫對愁人說了我的愁深似海更一言難盡(生)倒  
要請教(旦)

解三醒想著那椿萱同隕想著那荆樹無存想著那蓬飄  
絮涵無人問想著那薄倖名傳桃葉津想著那持強暴客

宛轉關生  
動如織錦  
字迴文

無端很想著那謾罵庸奴妄自尊心還恨何日得鶯遷谷  
遠燕壘泥新

(生)如此說來小娘子頗有從良之志(旦)妾閱人多矣未  
有如君之鍾情者今有一言願君垂聽妾雖流入章臺  
豈是隨風楊柳君若肯營金屋甘爲禦雪梅花自薦之  
羞還祈原鑒(生)小娘子言重了你的心事我已盡知地  
久天長此心共鑒(內打三更介)

將軍善書  
蓋有神必  
逢佳士亦

寫真

瘞雲巖

卷上 贈珮

五

前腔我爲你心焦氣悶我爲你淚咽聲吞我爲你顛狂恍  
入瘋魔陣我爲你抵死纏綿繫夢魂我爲你通盤算計先  
安頓我爲你漏洞彌縫早處分重思忖畢竟要填橋鵲穩  
好渡天孫

不知令堂的意思如何(旦)老爺還不知道做鴛兒的無  
非以錢爲重那管人的死活妾旣以身相託無論允與  
不允此志不移(出珮介)玉珮一枚物無足重妾自幼佩  
帶在身敢呈君子以期永結盟好(生)多謝娘子(內打四

更介旦)

三學士比德如他温且潤還自愧潔淨精純把絲絳繫得  
鴛鴦緊從此相依不去身你是待聘奇珍還匱韞我經提

何句雙關  
毫無痕迹  
神乎技矣

學便起羣

〔生〕蒙娘子雅愛、惟有銘佩弗諉而已、

賈氏窺簾  
韓掾少宓  
妃曹枕魏  
王才

節○節○高○心○香○暗○自○焚○証○前○因○書○生○福○薄○難○安○穩○還○私○付○待  
温○存○羞○斷○近○今○朝○喜○合○秦○臺○粉○柔○情○難○得○他○先○允○並○頭○花  
發○萬○年○新○同○心○帶○繫○千○條○緊

〔丙〕打五更介生夜太深了、明日再談罷、旦是合

極寫濃情  
偏能醒世  
作者苦心

尾○聲○相○思○俄○頃○勾○消○盡○那○裏○管○巫○雲○假○真○只○怕○夢○轉○紗○窗  
過○曉○暎

樓旦下

瘞雲巖

卷上贈珮

去

梟警 干寒 雜扮儀從末神裝上

潑天腥氣煽妖氛。萬姓流離盡失羣。整肅神威五雲裏。  
鷲峯頂上奏奇勳。吾乃河鎮土神是也。粵匪作亂以來。  
東南盡遭蹂躪。便是這江右地方騷擾殆遍。看看漸及  
我九獅河來了。此間善氣迎人。吾奉真人號令。保守此  
鄉。侍從們小心在意者。雜得令末咳人謂天心未肯厭  
亂。不知天意總為人心思亂。縱欲大發慈悲。其如狂瀾  
莫挽。看起來還有十數年劫運未除。這生靈好不苦惱  
也。

猿鳴鐘動  
不知曙

低眉菩薩  
變作怒目  
金剛

瘞雲巖

卷上梟警

七

北仙呂八聲甘州。山騰火焰。最可慘悲啼聲。奪危灘。那知  
道丙丁龜鑑。洩盡了歷代機關。只為著情翻蒼狗。多荒誕  
因此上劫遇紅羊。太忍殘。看這九獅河霧慘雲寒。

侍從們隨我往界口巡閱。一回者眾擁下雜扮男女百  
姓上甯為太平犬。莫作亂離人。我們河口鎮上居民的  
便是好端端各安生業。聞得那毛賊從浙江一帶竄過  
常玉山來了。我們這衝要地方。終恐不免。大家商量商  
量。或是旱路。或是水路。逃到僻靜地方。躲避才好。丑巾  
服白髮亂臣賊子。人人得而誅之。我今年六十三歲。巴



得做了一箇歲貢就是秀才頭兒了明日我到學中明倫堂上擊起鼓來號召這班後進叫他們一人一塊硯臺砍也砍死了他你們不必驚慌有我在此所謂小子鳴鼓而攻之可也副淨你這書獃子好不明理千軍萬馬擋他不住你們幾箇讀書人之乎者也見了他先嚇軟了還想砍他這教秀才造反三年不成末你們不必言三語四議論多而成功少我深曉得這地方會館善局俱有經費教他們量力捐助雇些鄉勇鋪面人家同心協力出錢的出錢出人的出人把這鄉鎮緊守起來

瘞雲巖

卷上 梟警

六

少壯不准逃逸婦稚儘他遷移此是正辦列位以爲如何眾調度得當願聽指教丑婦裝好了我要到別處去頑頑有你們男兒抵擋不用我婦人當槍阿哨喂嚇死奴家也碰丑介丑豈有此理男女授受不親怎麼亂碰亂撞這般世界如何不反丑阿爹得罪哉呀儂實幹文縐縐嗅介阿哨活爛酸胖氣呀我曉得哉哩屁股頭有箇醋大蒜格混下末列位倘有妙策一同商議眾我們毫無主張諸事全仗老兄末如此明日到萬壽宮大家歃血焚香共相守助

系切地方  
語無泛設

有此映帶  
這白不  
寂寞

終日坎壞  
纏其身

么篇眼見那妖氛漸近。要這築壇濠。高插旗。齋舟行梗阻。憑他急水潺潺。溪河路塞高下。堰村堡街。聯三兩灣。莫慮敵人多安穩如山。

我們這裡的洪老爺。他是文武全才。有他帶兵在前。我們只要壯他的威勢就好了。列位放心。都去準備起來。

眾同下。老旦急上。

大安樂崎嶇甫得歸平坦。無端平地起波瀾。又看烽火繞家山。欲避難。催我步蹒跚。

老身錢氏。來到家中。驚魂甫定。又得女兒賺了好些銀錢。正想圖後半世的快活。不料這天殺的毛賊。偏偏與我作難。今早上街。看着姊妹們。那曉得挨家逐戶。都說毛賊要來了。慌慌亂亂。準備搬家。說得我屁滾尿流。如今再要搬家。不比從前一肩行李。總要預先安排纔好。只是沒處打聽箇實信。只得急急趕回。與女兒商量。

瘞雲巖

卷上 梟警

九

淨上撞介。阿喇。奶是錢媽媽吓。老旦。原來是虞爺。可曉得賊人的准信。副淨。就要來哉。我往各店發貨下船。毋不功夫。搭奶閒話。老旦。虞爺你往那裡去。副淨。各走各格。弗要管。老旦。背介。他是大財東。跟了他去。倒是箇主。

意轉介虞爺你是最疼我女兒的哟我們母女附你的  
寶舟如何副淨笑介好倒好格只怕奶因兒弗肯老旦  
爲何副淨哪

迴看天際  
下中流巖  
上無心雲  
相逐

元和令他性格忒孤高我言辭怕簡慢縱饒有意莫躋攀  
你明珠空璀璨我癡心已死漫重提還怕他盈盈淚不乾

老旦爺說那裡話倘肯攜帶我們卽刻收拾回來副淨  
奶回去商量看我箇船多來篙上坎頭下老旦

尾聲莫嫌煩且相安老虞阿你情關勘破早心寒欲轉迴  
腸還仗我靈牙利齒舌翻瀾

瘞雲巖

卷上鼻警

三

下

鴛分 居魚 生上

即今飄泊  
千戈際履  
路尋常行  
路入

徘徊房露  
惆悵鳴阿

南商調山坡羊亂紛紛。些些無情的刀鋸。急急攘攘。些些狂  
奔的狐鼠。苦哀哀。些些失乳的孤兒。慘悽悽。些些結隊的  
男和女。昨聞省會賊兵。被長江統帥夾攻。四散逃逸。下海  
正須防守。乃浙江竄匪。奔過山來。勢頗洶湧。今早遣人細  
探去了。只是鎮上居民。紛紛遷徙。好難禁止。我一面准備  
甲兵。往界口佈置。一面與眾紳民商議保衛之策。難得地  
方踴躍從公。捐錢募勇。調度有方。聲威頗壯。想來足可抵  
當連日與兵勇講求戰陣。竟無暇與愛卿一敘。想他們女  
壘雲巖。

卷上 鴛分

三

流更擔不起驚嚇。一定要走了。因此放心不下。今日操演  
已畢。前去看看。深巷趨遙。見垂楊飄細縷。不比劉郎誤認  
天台樹。我是崔護。重來識故居。歡娛暫向春風咏。舞雩歛  
歛。莫令秋風泣。彼姝。

暫下且上

前腔。淚斑斑。做了枝頭的霖雨。影搖搖。做了風前的蠟炬。  
孤單單。做了鏡裏的離鸞。怨迢迢。做了陌上的隨風絮。奴  
家愛雲。自與洪郎締盟之後。朝歡夕戀。兩意相投。蒙他極  
意溫存。許諧伉儷。不料命途多舛。又遇烽煙。前日母親要

如今天也  
怕銷魂却  
怎日長不  
肯做黃昏

天寒翠袖  
薄日暮倚  
倚竹其月  
上柳梢時  
耶

脂韋惡習  
不獨為錢  
氏寫生

同那姓虞的一路逃奔是我苦口力辭危言相恐方才得  
脫此間人紛紛遷避我母親一定要走了怎奈洪郎連日  
往教場操演竟無暇來此一轉我若不別而行這是死不  
瞑目的嗔連日差人去請說今日黃昏准來天阿往日黃  
昏恁快今日這黃昏怎麼總盼不到了空歎吁誰信光陰  
似隙駒莫非戈為魯陽驅不肯斜陽下故墟趙起怨煞終  
軍不棄編脚躡難道文公竟絕袪

**生**上決勝暫停帷帳算偷閒且覓綺羅香進見介娘子

我因日事戎行以至久違粧次幸勿見罪**旦**老爺說那

瘞雲巖

卷上 鴛分

三

裡話來做官的自然公事為重只是戎馬倉皇烽煙逼  
迫日盼君來商一久長之計**生**尊意如何**旦**我輩女流  
有何良策妾既以身事君絕無異志奈母親急欲遷移  
前日遇著虞賈相約同行妾以危詞聳動才得中止專  
待君來一言相決**生**娘子所見極是但此間衝要原屬  
可虞暫避山鄉未為不可不知令堂主見如何**旦**咳  
**仙**皂羅袍無主言多齟齬縱唇焦舌敝他欲吐還茹不是  
我做女兒的多說他全無眼力辨賢愚但將口惠為憑據  
那管他鋤揮非種湘蘭並誅車臨遠阪神龍並驅琴焚鶴

也同時袁

〔生〕鴛兒生性未足爲奇。只要你我同心。神天共鑒。老旦  
〔上〕風警鶴鵝軍。雨打鴛鴦隊。合浦幾還珠。江臯空結佩。  
原來是洪老爺來了。外間信息如何。〔生〕日來並無警報。  
老旦冷笑介。何須瞞我。適才到姊妹們家去。十室九空。  
我順便到河下雇下箇船。趁著無事。便好起身。若再遷  
延。我這老骨頭。要送在這裡了。〔生〕外間傳言。未可盡信。  
老旦。洪老爺。你是這裡的官。自然不能走。我們做百姓  
的。你也不能禁止。〔生〕豈有此理。我以好言撫慰。你倒這  
瘞雲巖

卷上 鴛兒

三

般模樣。老旦。模樣模樣。莫怪我出言挺撞。那文官要護  
蒼生。你武官只管打仗。我們到處安身會的。吹彈歌唱。  
〔拉旦介〕帶了女兒。就走不上你的大當。若再稍緩。須與  
成了稀糊爛醬。旦哭介。母親何必著急。大家商量。才是  
老旦。你是我女兒。難道不聽我說話。不用嘮叨。立刻就  
走。我自進去收拾。下旦哭向生介。生

玉胞肚。蒼穹難籲。恨無端盟辭頓渝。奈酸風一霎吹來。把  
情思半天飛去。豺狼易翦。這眼前梟獍反難除。還愧我陳  
平用計迂。

願得燕弓射大將。恥令越甲鳴吾君。

舊業已隨  
征戰盡更  
堪江上鼓  
鞞聲  
無計解軍  
譁殘生願  
甘罷

雲雨巫山  
枉斷腸

承訣在此  
雖聚九州  
之鐵不能  
鑄此一字

赴報書勸

〔丑上〕風霆令急傳來速。雲雨情濃撇處難。老爺大帥令  
箭到來傳你卽刻赴下游迎敵。〔生〕你先去傳示軍將。我  
卽刻就歸。〔丑下〕且驚介。呵吓不好了。你這一去母親必  
然就要起身與其逃往中途。死於非命。不若盡節君前。  
以明我志。欲撞介。生急拉介。愛卿不可如此。請自保重。  
暫時分手。後會有期。代拭淚介。〔旦〕

皂角兒。蕩驚魂。絲兒漫吁。痛柔腸。輪兒難住。弔湘君。斑竹  
千株惱文君。危絃萬緒。生逼散秦嶺雲。楚天雨。夢迷離。除  
非是來生重遇空。紉佩魚。難膠瑟柱。只拚箇愛河盡。涸雲  
瘞雲巖。岫成墟。

卷上 舊分

吉

〔丙急打鑼鼓介〕愛卿戰鼓喧鳴。我亦不能久留了。罷。急  
〔下〕旦你看他竟自去了。我的殘生。想亦不能瓦全矣。老  
〔旦內叫介〕我兒快來。〔旦〕來了。

尾聲。平空拆散鴛鴦侶。何日重來認舊廬。只怕我欲寄相  
思。難傳一紙書。

哭下



